

COLUMNA

L'e-biker e ses e-bike

SANDRO BUCHLI/FMR

Estrusch che la naiv è luada dal tut – è el puspè per vias e sendas e dapertut per las pitgognas enturn, en ils pli davos cafs ed aclauns dal Grischun. In relativamain nov tipus dal homo alpinus ch'è dad entupar da Mustér enfin Müstair. La FMR ha empruvà da tschiffar quest nov fenomen dals ultims onns: il e-biker cun ses e-bike.

E-bike – quai è numnadamain il Espiert dal temp. Ecologic, null emissiuns. Svelt. Effizient. E hip! In Tesla sin duas rodas!

E-bikers èn supers! Almain sch'els **E**na sesan betg sin l'e-bike. E-bikers èn atgnamain tips patgifics. Ma cur ch'els sesan sin il velo èn els svelts. Betg tut ils e-bikers n'han dentant chavels grischs. E-bikers han darar si ina chapellina.

E-bikers èn mangiabains. Els giaudan **E**tranteren da seser en l'ustaria e baivan er gugent in aperol-spritz u ina bierina durant la tura ed in bun menu dal di cun cordonbleu. E-bikers han gia emprimas ensainas dad ina pitschna panza. Betg tuts, sa chapescha.

E-bikers èn simpatics. Els n'èn betg **E**quels spinners maghers «gümmelers» che fan turas da velo e bloccan las vias principalas cun lur velos da cursa. E-bikers giaudan.

E-bikers n'èn betg rachers. Els n'èn **E**betg spargnus. Betg per nagut mettan ils turistichers en mintga chantun sper l'ustaria u sper las attracziuns staziuns per chargiar e-bikes. E-bikers èn generus.

E-bikers na gievan avant il temp dal **E**«E» grond cun stritg avant il bike per regla betg grondamain cun il bike,



Perfin la polizia e ses assistents èn da viadi cun e-bikes, tranter auter era en Engiadin'Ota – sco la Polizia chantunala ha communitgà l'entschatta da quest mais.

FOTO POLIZIA CHANTUNALA

«E-bikers baivan er gugent in aperol-spritz u ina bierina.»

Sandro Buchli

mabain plitost cun auto u cun töf. U insumma betg.

Bike electric. Mah, cur ch'els sesan sin il velo, lura èn els svelts. E fan kilometers e kilometers. E-bikers èn svelts e raquintan da quai: «E lura sun jau stà enta Sagogn, Valendau, tras la Ruinaulta, Razén, Ruinaulta, enta Val, e lura puspè turnà a Sagogn.» Turas orientas per in senza E. Tgi sgola bunamain da mintga spunda taissaglia si en in tempo nar? – E-bikers, exact. E-bikers, I love you.

E-bikers din: «Mah, sas, er tar il e-bike datti differents 'gangs', sco tar il velo normal.» E quels gangs sa numnan lura: «slow, medium, turbo, super-turbo.»

E-bikers din: «Mah, sas, cur ch'i va engiu u a dretg ora, lura met jau il blier en il gang il pli lev.»

E-bikers din: «Mah, sas, tschel di n'ha la batteria betg pli tanschì, lura hai jau stuì stuschar il velo da la plaunca siador, tge crampf!»

E-bikers din: «Mah, sas, ussa hai jau cumprà ina segunda batteria che jau prend adina cun mai.»

Ed jau? Jau stun davant la vitrina plain e-bikes dal Maranzi Sport. Quel plaschess uss anc a mai. «Ou, 5000 francs.» Potz! Forsa in pau blier per mai. Jau rest tar mes velo e tar mes Fiat.

E-bikes. Dapertut! Agid! Jau dovr er in e-bike. Jau cumpr in e-bike. Svelt. Uss. Super-Turbo!